

Продолжение, часть 4.

**К 105-летию со дня рождения и 25-летию со дня пострижения  
в монашество монахини Параскевы  
(в миру Медведевой Анны Павловны)**

День рождения – 21.11.1914 г.

День пострига – 28.02.1994 г.

День смерти – 11.04.1994 г.



Акафист иночествующим и в девстве живущим, написанный епископом Тихоном (Тихомировым) и подаренный Анне Павловне Медведевой (будущей монахини Параскеве) 20 ноября 1943 г. на молитвенную память ко дню Ангела (мц. Анны, 22 ноября по старому стилю).

+

Дорогой Нюше  
На молитвенную память  
ко дню Ангела. Цвети, бла-  
гоухай, храни как зеницу  
ока, свое бесценное сокровище,  
и не давай угаснуть све-  
тильнику, который сам Же-  
них твой возжег в тебе во  
дни твоей ранней юности,  
и да поможет тебе в  
этом этом посильный труд.  
От всегда помнящего ее св.  
20 ноября МГ

+

Дорогой Нюше.

На молитвенную память  
ко дню Ангела. Цвети, бла-  
гоухай, храни как зеницу  
ока, свое бесценное сокровище,  
и не давай угаснуть све-  
тильнику, который сам Же-  
них твой возжег в тебе во  
дни твоей ранней юности  
и да поможет тебе в  
этом этом посильный труд.  
От всегда помнящего еп. Тихона...

20 ноября 1943 г.



АКАФИСТЪ  
ИНОЧЕСТВУЮЩИМЪ И  
ВЪ ДѢВСТВѢ ЖИВУЩИМЪ.

КОНДАКЪ А.

Избранный женище души и сердца моего, Изшедый на сретение мое къ Тебѣ грядущему и возвращающемуся изъ страны далечи во Отеческія обители Твоя, прими мя, како блуднаго сына со слезами припадающа къ пречистымъ стопамъ Твоимъ, и не отвержи мя Тебѣ возлюбившаго и предавшаго на обручение Твое все житіе мое, да радостно вопию Тебѣ: Исусе, женище мой, Тебѣ ради дѣвствую и держа горящій свѣтильникъ сретаню Тя.

Первая страница рукописного Акафиста иночествующим и в девстве живущим написанная епископом Тихоном (Тихомировым).

**Акафист**  
**иночествующим и**  
**в девстве живущим**

***Кондак 1***

Избранный Женише души и сердца моего, Изшедый на сретение мое к тебе грядущему и возвращающему из страны далечи во Отеческия объятия Твоя, приими мя, яко блуднаго сына со слезами припадающа к причистым стопам Твоим, и не отвержи мя Тебе возлюбившаго и предавшего на обручение Твое все житие мое, да радостно вопию Тебе: Иисусе, Женише мой, Тебе ради девствую и держа горящий светильник сретаю Тя.

***Икос 1***

Ангелов лики предходят Ти Небесному Жениху, в полунощи грядущему призвати на брачный чертог обрученныя Ему девы своя, глаголюще: свыше девы, Раздадеся глас воскрешай мертвыя: Се Жених грядет, исходите на сретение Ему в белых ризах души и тела со светильники в сердце возженными. Блаженни есте, аще обращет вы бдящи, возстаните, да не сном, отяготитесь, но да внидим внутрь Чертога, поюще и глаголюще: Иисусе, Женише мой сочетай мя с Тобою на веки. Иисусе Обручнице мой увенчай главу мою венцем девства и чистоты. Иисусе, Царю мой, не лиши мя Небеснаго Чертога Твоего. Иисусе, Светодавче мой, просвети одеяние души моя. Иисусе, Невестоводителю мудрых дев, вниди во внутренняя сердца моего. Иисусе, умилостивителю немощных дев, даждь ея милости да светильник мой не угаснет. Иисусе, Хранителю мой, соблюди мя в чистоте и непорочности обетов моих. Иисусе, Ходатаю мой, изведи мя из тьмы кромешныя мире сего. Иисусе, Наставнице мой, настави мя добре пожити во Ангельском чине. Иисусе, Искупителю мой, втораго крещения слезами отмый грехи мои. Иисусе, Агнче Божий, приими мя в жертву чистую и угодную Тебе. Иисусе, Пастырю мой, упаси мя жезлом любви в райския пажити Твои. Иисусе, Женище мой, Тебе ради девствую и, держа горящий светильник, сретаю Тя.

***Кондак 2***

Видев, яко в мире сем вся суета, тление и сон, се удалихся, бегая многоплачевных попечений плоти и сластей житейских и земныя любви и водворихся в пустыне, желаящии укрытися от малодушия и от бури в живоносныя объятия Твоя и возвратитися во Отеческое жилище свое, да непрестанно созерцати буду Твою нетленную красоту небесную и яко Мария присидети буду при Твоею пречистую ногу и лобызати Твою святейшую главу, поя Тебе выну: Аллилуиа.

## *Икос 2*

Разумев, Гди, словеса Твоя, яко враги человеку домашнии его и ведуши, яко аще не оставим дома своя, родители, чада и жены своя и не последуем вслед Тебе, не можем быти Твоя ученики, се отрицаюся смертнаго брачнаго ложа, се оставляю драгий дом родивших и воспитавших мя, и прихожду к Тебе, Царю мой Христе, в чистых, в чистых ризах, да вкупе с Тобою вниду внутрь всеблаженнаго Чертога, и с лики мудрых дев воспою Ти: Иисусе Всеблагий, призывай Апостолы оставити вся, призови и мене вслед Тебе идти. Иисусе Всемиловитый не возбранивый и женам любви ради божественныя сопутствовати Тебе и послужити от имений своих, не возбрани и мне в девстве и любви послужити Тебе. Иисусе Сладчайший, открывый великому Павлу, яко вси плоти сопрягшиися скорби по плоти имети будут, соблюди мя в безпечалии девства и чистоты. Иисусе Претихий, дивную Феклу девством оградивый во огненном искушении, огради мене от огня страстнаго. Иисусе Вселюбимый, кроткия и чистыя святыя девы избравый в невесты своя, соблюди мене в неистлении кроткаго молчаливаго духа. Иисусе Всесвятый, вдохновивый святую деву Кассию оставити земного жениха и царство невозбранно слагати божественныя песни, вдохнови и мене чистыми усты славословити Тя. Иисусе Всещедрый, юнаго Григория нощным видением небесных дев уязвивый любовью к девственной жизни, уязви и мене к сему, да кроме Тебе никоея-же пожелаю земныя красоты. Иисусе Долготерпеливый, вкупе с Григорием и Великаго Василия возбудивый к забвению богатства и земныя премудрости и чести и к вселению в пустыню, возбуди и моя стопы, да никогдаже обращуся вспять в мир. Иисусе Предивный, Великаго Антония перваго призывай к проведению монашескаго жития, вчини и мене последняго к святей дружине Твоей. Иисусе Пречестный, Алексия Человека Божия подвигнувый чистоты ради девственныя оставити дом родителей и обручницу красотою цветущую, подвигни и мене бегати мира и всех соблазнов его. Иисусе, Премилосердный, святую деву Екатерину ради ея небесныя чистоты и душевныя красоты Избравый в невесту свою, не возгнушайся мене душевнаго ради безобразия моего. Иисусе Предвечный, праведную жену Фомаиду умученную за целомудрие, по смерти включивый в лики святых дев, не изрини мене из девственных ликов Твоих за невоздержанье мое. Иисусе Женише мой, Тебе ради девствую и держа горящий светильник, сретаю Тя.

## *Кондак 3*

Силу Божественную подаждь ми Иисусе Христе мой, да избегну безчисленных обольщений древняго змия прельстившаго Еву и лишившаго нас девственныя и нетленныя райския жизни, и свободи нас пламени страстнаго, в онь-же впадох за гордость и невоздержание мое и сохрани мя, от нападения злых вепрей, да невозбранно отныне обручен буду Тебе Единому Безсмертному Жениху моему, его-же ожидая усрести, воспою Тебе: Аллилуиа.

### *Икос 3*

Имуще память о сладости перваго жития райскаго, идеже не бе болезни, ни печали, ни въздыхания, но вся исполнена быша неизреченныя девственныя чистоты и блаженства, ныне же, впадше в душетленныя разбойники, обнажихся боготканныя райския одежды девственныя чистоты, лежу ранами уязвлен, желающи возвратити-ся в райския обители. Сего ради со слезами припадаю к Тебе, Христе мой, обручаю Тебе все житие мое и надеюся обрести у Тебе новыя райския обители, идеже произрастают всяческия ароматы небеснаго благоухания, идеже чисто девствующим незримо бывает небо отверзсто и Ангелы, восходяще и низходяще, окриляют их. Сего ради сподоби и мне во плоти уллучити равноангельское житие и воспети Тебе: Иисусе рая красото, отверзи ми врата райския девства и чистоты. Иисусе, одежда нетленныя, облеку мя в боготканныя ризы райскаго нетленныя. Иисусе Хлебе Святый, даждь ми паки вкусити от плодов древа жизни, да не возобладает во мне семя тли. Иисусе Источниче безсмертия, напои мя водою приснотекущею, да не вжаждуся во веки. Иисусе, Предвечный Храме, сотвори сердце мое – храм Твой, да будет паки благоуханием. Иисусе, Чертоже Небеснаго Царя, отверзи, небесныя врата, да с лики мудрых дев вниду на брачную вечерю Твою. Иисусе, Невечерний Свете, облистай мя сидящаго во тме и сени смертней. Иисусе, Тепло то душевное, согрей оледеневшее сердце мое теплотою Духа Святаго Твоего. Иисусе, Заре таинственнаго дне, даруй нам бодренным сердцем и трезвенною мыслию всю настоящаго жития ночь перейти. Иисусе, Чаше черплющая радость, отыми всякую слезу и въздыхание от очей моих. Иисусе, бурных утишие, приведи мя к тихому и не бурному пристанищу райскаго безстрастия. Иисусе Женише мой, Тебе ради девствую и держа горящий светильник, сретаю Тя.

Продолжение следует.

Материал подготовил  
+ *еп. Гедеон.*